



ҚУРИЛИШ ЛОЙИХАЛАРИ МУҲОКАМА ҚИЛИНДИ

**Президент Шавкат Мирзиёев
7 февраль куни қурилиш лойиҳалари
тақдими билан танишди.**

Маълумки, Самарқанд вилоятида Имом Бухорий мажмуаси янгидан барпо этилмоқда. Унинг қурилиши ўтган йили Рамазон ойида бошланган эди. Бугунги кунда бинолар қад ростлаб, пардозлаш ишларига оз фурсат қолди. Тақдиротда мажмуанинг ички ва ташқи қўрилишига оид чизмалар кўриб чиқилди.

Унга кўра, мажмуа деворлари миллий нақшлар, пардозбоп тошлар билан сайқалланади. Имом Бухорий бобомиз мақбарасида нақошлик ва хаттотлик санъати уйғунлашади. Унинг деворларига қадимий услубда Қўрғон карим суралари ва ҳадислар ёзилади. Барча пардозлаш ишларида ёрқин, "иссиқ" ранглардан кўпроқ фойдаланилади.

Хоразм вилоятида ҳам катта бунёдкорлик ишлари амалга оширилмоқда. Бунинг изчил давоми сифатида Урганч шаҳрида Ал-Хоразмий шаҳарчаси қурилиши режалаштирилган. Лойиҳага кўра, у ерда университет, мактаб ва боғча, IT парк, фан ва маданият марказлари, спорт мажмуаси барпо этилади. Шаҳарча марказида Муҳаммад ал-Хоразмий майдони бўлади, буюк алломанинг янги ҳайкали ўрнатилди.

Урганч шаҳрида Жалолоддин Мангуберди мажмуаси ҳам қурилмоқда. Бугунги кунда жасур саркарданинг мухташам ҳайкали ўрнатилган. Атрофдаги қарийб 8 гектар майдон ободонлаштирилмоқда.

Шунга яқин жойда минг ўринли санъат саройи бунёд этиш ҳам мўлжалланган. У ерда Хоразм лазгиси анъаналарини сақлаш, ўрганиш ва кенг ёйиш учун замонавий шароит яратилади. Турли тадбирлар, концертлар ўтказилади.

2020 йил 22 октябрда "Ҳарбий тиббиёт соҳасида кадрларни тайёрлашнинг сифат жиҳатидан янги тизимини ташкил этиш чора-тадбирлари тўғрисида" Президент қарори қабул қилинган эди. Унга мувофиқ, Ўзбекистон Республикаси Қўролли Кучлари Ҳарбий тиббиёт академияси ташкил этилди.

Қарорда мазкур Академия учун янги бинолар қуриш ва ўқув-моддий базасини такомиллаштириш бўйича вазифалар белгиланган. Тақдиротда шу борадаги лойиҳалар ҳақида ҳам ахборот берилди.

Унга кўра, ўқув ва даволаш бинолари, ётоқхона, хизмат уйи қурилиб, мавжуд объектлар таъмирланади, ҳудуд ободонлаштирилади.

Президентимиз лойиҳаларни такомиллаштириш ва сифатли қуриш юзасидан кўрсатмалар берди.

Давлатимиз томонидан спорт ривожига катта эътибор қаратилиб, зарур инфратузилма яратилмоқда. Шу мақсадда Тошкент шаҳрининг Яшнобод туманида Олимпия шаҳарчаси қурилиши режалаштирилган. 160 гектарни эгаллайдиган мазкур шаҳарчада универсал стадион, очик ва ёпиқ спорт мажмуалари, ётоқхона, меҳмонхона, Чирчиқ дарёсида эшак эшиш ҳавзаси барпо этилади. Бу инфратузилма йирик мусобақалар ўтказиш ва бўлажак Олимпия захиралари институти учун ўқув-машгулот базаси бўлади.

Мамлакатимизда сайёҳлар учун кенг шароит яратилмоқда. Жумладан, Тошкент вилоятининг Бўстонлиқ туманида "Чорвоқ" туристик-рекреацион зонаси ташкил этилмоқда. Президентимизга шу борадаги ишлар ҳақида ҳам маълумот берилди.

Унга кўра, Чорвоқ сув омбори ва Чирчиқ дарёси бўйида экотуризм объектлари барпо этилади. Бунинг учун, аввало, қулай транспорт тизими йўлга қўйилади. "Чорвоқ дарвозаси" ва "Юсуфхона" ҳудудларида дам олиш жойлари, Жанубий Хужакентда анъанавий тоғ қишлоғи барпо этилади. Ҳудуднинг хушманзара табиати ва рельефини сақлаб қолишга алоҳида эътибор қаратилади. Боғлар, пикник жойлари, велосипед йўлақлари ташкил қилинади. Шундай лойиҳа Чимён ҳудудида ҳам режалаштирилган.

Давлатимиз раҳбари бу мажмуалар оммабоп бўлиши зарурлигини таъкидлаб, барча юртдошларимиз, турли қасб эгаларига мос арзон ва қулай хизматлар таклиф этиш вазифасини қўйди.

Тошкент шаҳрини ёндош ҳудудга кенгайтириш, янги қуриладиган мавзеларни инфратузилма ва транспорт хизматлари билан таъминлаш бўйича лойиҳа концепцияси ҳам кўриб чиқилди.

ЎЗА

БЎКА ТАЖРИБАСИ:

ОБОДОНЛАШТИРИШ ИШЛАРИДАН КЎНГЛИМИЗ НУРГА ТЎЛМОҚДА



ОБОД МАҲАЛЛА

Узоқ йиллар эътибордан четда қолган "Бўка" маҳалласи аҳлининг фикри шундай

Сўнги йиллардаги халқчил ислохотлар ва бунёдкорлик ишлари натижасида қишлоқларимиз обод бўлиб, шаҳармонанд қиёфа касб этипти. Чекка ҳудудлар аҳолисининг турмуш фаровонлиги юксалиб, одамлар ислохотлар самарасини келажакда эмас, балки бугун ўз ҳаёти мисолида ҳис қилиб яшамоқда.

2021 йилнинг декабрь ойида республика ишчи гуруҳи томонидан барча маҳаллаларда аҳолининг турмуш шароитида мавжуд муаммолар ўрганилиши ҳамда ижтимоий-иқтисодий аҳоли оғир, кенг қўламли бунёдкорлик ва ободонлаштириш ишлари талаб этиладиган, ичимлик сув, газ, ёқилғи, электр таъминоти, ички йўллар, интернет ва алоқа хизмати, ижтимоий соҳа объектлари, спорт ва болалар майдончалари, турар жой билан боғлиқ комплекс муаммолари мавжуд 1 071 та маҳалла рўйхати шакллантирилди.

Жорий йил давомида ушбу маҳаллалардаги муаммоларни бартараф этиш мақсадида Қорақалпоғистон Республикаси Вазирлар Кенгаши, вилоятлар, Тошкент шаҳри, туман (шаҳар)лар ҳокимликлари,

сектор раҳбарлари, мутасадди ташкилот ва идоралар билан ҳамкорликда аҳоли учун муносиб шарт-шароит яратиш, жойларда инфратузилма ҳолатини яхшилаш, шунингдек, қурилиш, таъмирлаш ва ободонлаштириш тадбирларини амалга ошириш бўйича тизимли ишлар ташкил этилади.

Давлатимиз раҳбари топишига биноан, муаммоларни комплекс ҳал этиш учун Президент Халқ қабулхоналари бошчилигида вазирлик ва идоралар раҳбарларидан республика ишчи гуруҳи тузилди. Муаммоларни бартараф этилиши назарда тутилган ҳудудлардан бири — Тошкент вилояти Бўка туманидаги "Бўка" маҳалласида ҳам кенг қўламли бунёдкорлик ва ободонлаштириш ишлари бошлаб юборилди.

Давоми 3-бетда



"ЯНГИ ЎЗБЕКИСТОН" УЧУН МАХСУС

**Ўзбекистон Президентининг
Хитойга ташрифи ва Пекинда
олий даражада бўлиб ўтган
музокаралар ХХР етакчи
оммавий ахборот воситалари
ва эксперт доираларида катта
қизиқиш уйғотди**

Президент Шавкат Мирзиёевнинг қишки Олимпия ўйинларининг очилиш маросимида иштирок этиш учун Пекингга амалга оширган ташрифи Хитойнинг етакчи оммавий ахборот воситалари ва эксперт доиралари ўртасида акс-садо бермоқда.



Хусусан, Ўзбекистон Президентини ва Хитой Раиси Си Цзиньпин ўртасида 5 февраль куни бўлиб ўтган икки томонлама музокаралар ХХР ОАВда алоҳида қизиқиш уйғотди. "Синьхуа" АА хабарига кўра, икки давлат раҳбарларининг учрашуви чоғида сўнги 30 йилда Хитой — Ўзбекистон муносабатлари

хар томонлама стратегик шериклик даражасига кўтарилгани алоҳида таъкидланди. Хитой ва Ўзбекистон тенглик, ҳурмат ва манфаат тамойилларига амал қилади. Томонлар ўзаро сиёсий ишончни мустаҳкамлаб, манфаатли ҳамкорлиқни кенгайтиришга қўмақлашмоқда.

Давоми 2-бетда

ИНСОН ҚАДРИ УЧУН

ТАРАҚҚИЁТГА ДАҲЛДОР ТАКЛИФЛАР

ёхуд халқ қудрати айтган сўздан,
бажарган ишидан маълум

Янги Ўзбекистон "Инсон қадри устувор бўлган жамият ва халқпарвар давлат", деган ғоя асосида тараққий этмоқда. Давлатимиз раҳбари белгилаб берган бу улғувор мақсад билан халқимиз янгидан-янги ислохотларнинг ҳақиқий муаллифига айланиб бораётгани ҳам айни ҳақиқат.

Таъкидлаш жоизки, Президентимизнинг "2022–2026 йилларга мўлжалланган Янги Ўзбекистоннинг тараққийёт стратегияси ва уни "Инсон қадрини улғулаш ва фаол маҳалла йили"да амалга оширишга оид давлат дастурида белгиланган вазифалар пухта тайёрланган, чуқур ўйланган, жамоатчилик муҳокамасидан ўтказилган ҳаётбахш чора-тадбирлар мажмуидан иборат.

Давоми 2-бетда



ҲАРАКАТЛАР СТРАТЕГИЯСИДАН — ТАРАҚҚИЁТ СТРАТЕГИЯСИ САРИ

МАМЛАКАТ РАВНАҚИ, ОДАМЛАР БАХТУ ИҚБОЛИ УЧУН

Осиёнинг энг илғор ва топқир сиёсатчиси

Штаб квартираси Сеулда жойлашган Осиё журналистлари ассоциацияси (ОЖА) Ўзбекистон Президенти Шавкат Мирзиёевни "2018 йил одами" деб эълон қилган эди. Бу ҳақда Жанубий Кореянинг "The Korea Times" нашри хабар берган эди. Қайд этилишича, ассоциация вакиллари Шавкат Мирзиёевнинг 2016 йил декабрда Ўзбекистон

Президенти лавозимига киришганидан то ҳозирги вақтгача инсон ҳуқуқларини таъминлаш, иқтисодий ислохотларни амалга ошириш, очик сиёсат юритиш, шу жумладан, сиёсий маҳбусларни озод этишда юксак натижа кўрсатиб келаётганини таъкидлаган. Шу билан бирга, Ўзбекистон лидери қўшни давлатлар билан фаол ҳамкорлик алоқаларини ўрнатган ҳолда, Марказий Осиёда тинчлик-тотувликни мустаҳкамлашга катта ҳисса қўшмоқда.

Давоми 4-бетда

